



Adresa: **Ul. H. Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e – mail: info@voda.ba

Broj: **UP-I/21-3-40-438-4/21**
Datum: **07.10.2021. godine**

«Agencija za vodno područje rijeke Save» Sarajevo rješavajući po zahtjevu Investitora „UNIX“ d.o.o. Gradačac za donošenje rješenja o vodnoj dozvoli za ispuštanje oborinskih onečišćenih otpadnih voda sa lokacije benzinske stanice sa pratećim sadržajem izgrađene na zemljištu označenom kao k.č. broj: 1750/2 K.O. Donji Lukavac, općina Gradačac, na osnovu člana 109. stav 1. («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98 i 49/99), donosi

RJEŠENJE **o vodnoj dozvoli**

1. Investitoru „UNIX“ d.o.o. Gradačac daje se vodna dozvola za ispuštanje oborinskih onečišćenih otpadnih voda sa lokacije benzinske pumpne stanice sa pratećim sadržajem izgrađene na zemljištu kao k.č. broj: 1750/2 K.O. Donji Lukavac, općina Gradačac.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, izvršenog uviđaja na objektu i pod slijedećim uslovima:
 - 3.1. Da se upotreba i korištenje predmetnog objekta vrši u skladu sa urađenom investiciono tehničkom dokumentacijom, koja je služila kao podloga za davanje ove vodne dozvole.
 - 3.2. Da se skladištenje nafte i naftnih derivata vrši u podzemnim čeličnim dvoplašnim spremnicima ukupne zapremine 80 m³ sa pripadajućom armaturom za rukovanje, praćenje i sigurnost rada.
 - 3.3. Korisnik objekta je obavezan vršiti redovnu kontrolu međuplašnog prostora rezervoara za skladištenje naftnih derivata, njihovo čišćenje i kontrolu rada.
 - 3.4. Korisnik poslovnog objekta za sve vrijeme trajanja ove vodne dozvole, mora obezbijediti da se oborinske onečišćene vode sa lokacije predmetne benzinske pumpe nesmetano sakupljaju i odvođe do ugrađenih separatora ulja i naftnih derivata, a zatim preko okna za monitoring ispuštaju u povremeni potok.
 - 3.5. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20). Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
 - 3.6. Da se poduzmu sve potrebne mjere kojima bi se obezbijedilo da prečišćene otpadne vode, prije ispuštanja u recipijent, zadovolje granične vrijednosti emisije definisane članom 14. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20).
 - 3.7. Korisnik poslovnog objekta je obavezan da izgrađene objekte, a čija svrha je odvođenje i

prečišćavanje onečišćenih voda, redovno održava i koristi na način koji će obezbijediti njihovu potpunu ispravnost i funkcionalnost, kako bi se zadovoljio propisani kvalitet efluenta.

- 3.8. Prikupljanje, odvoz i konačno zbrinjavanje opasnog otpada sa lokacije predmetne benzinske pumpe sa pratećim sadržajima može vršiti isključivo firma ovlaštena za tu vrstu djelatnosti, prema sklopljenom ugovoru.
- 3.9. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (materijal za upijanje: piljevina, prikladni adsorbensi, odgovarajuće posude, uređaji za pretakanje i sl.).
- 3.10. Sadržaj (mulj) iz uređaja za prečišćavanje otpadnih voda i opasni otpad ne smije se odlagati na česticu «vodno dobro», odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1., Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove vodne dozvole, pravno lice, odnosno korisnik objekta „UNIX“ d.o.o. Gradačac je dužan provoditi sve mjere i aktivnosti propisane istom.
6. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Vlasnik, odnosno korisnik objekta nema pravo na naknadu eventualnih šteta prouzrokovanih plavljenjem i iste padaju na njegov teret.
8. Prava stečena po ovoj vodnoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Vodna dozvola broj: UP-I/25-3-40-134-4/21 dana 12.04.2021. godine donesena od strane Agencije za vodno područje rijeke Save Sarajevo po zahtjevu i na ime fizičkog lica JAHIĆ MUHAREM iz Međide Gornje, općina Gradačac za isti objekat i lokalitet sa danom pravosnažnosti ove dozvole, prestaje da važi.
10. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina, od dana pravosnažnosti ovog rješenja.
11. Prije isteka važnosti ove vodne dozvole, Investitor, odnosno korisnik objekta je dužan da podnese zahtjev za izdavanje nove vodne dozvole.

O b r a z l o ž e n j e

Investitor „UNIX“ d.o.o. Gradačac se pismenim putem obratio ovoj Agenciji sa zahtjevom za donošenje rješenja o vodnoj dozvoli za ispuštanje oborinskih onečišćenih otpadnih voda sa pratećim sadržajem izgrađene na zemljištu kao k.č. broj: 1750/2 K.O. Donji Lukavac, općina Gradačac.

U provedenom postupku dostavljena je i pregledana slijedeća dokumentacija:

- Rješenje o izmjenama podataka u sudskom registru broj: 032-0-Reg-21-000189 od 17.02.2021. godine, izdato od strane Općinskog suda u Tuzli;
- Ovjerena kopija Rješenja o poreskoj registraciji izdatoj od Porezne uprave Kantonalni ured Tuzla od 05.02.2013. godine,

- Kopija Rješenja o okolinskoj dozvoli donesene od strane Ministarstva prostornog uređenja i zaštite okolice Tuzlanskog kantona, broj: 12/1-23-009127/19 dana 17.04.2019. godine,
- Kopija Rješenja o upotrebnoj dozvoli donesenog od strane Službe za urbanizam, investicije i komunalne poslove Grada Gradačca, broj: 06/1-19-3-346/21 dana 06.05.2021. godine,
- Kopija Rješenja o urbanističkoj saglasnosti donesenog od strane Službe za urbanizam, investicije i komunalne poslove Grada Gradačca, broj: 06/1-23/1-3151/17 dana 22.05.2019. godine,
- Kopija Rješenja o odobrenju za građenje donesenog od strane Službe za urbanizam, investicije i komunalne poslove Grada Gradačca broj: 06/1-19-2-103/20 od 24.02.2020. godine,
- Kopija Rješenja o vodnoj dozvoli donesenog od strane Agencije za vodno područje rijeke Save Sarajevo, broj: UP-I/25-3-40-134-4/21 dana 12.04.2021. godine,
- Glavni projekat dogradnja poslovnog objekta benzinske stanice planirane za izgradnju na zemljištu označenom kao k.č. broj: 1750/2 K.O. Donji Lukavac, grada Gradačac, urađenog od strane projektne firme „IBIS“ d.o.o. Zavidovići, broj: 62-IB-G/19, oktobar 2019. godine
- Punomoć zastupnika podnosioca zahtjeva,
- Dokaz o uplaćenju upravnoj pristojbi i administrativnoj taksi.

Nakon pregleda dostavljene dokumentacije, u skladu sa odredbama člana 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20) izvršen je obilazak predmetne lokacije i tom prilikom je sačinjen zapisnik o uviđaju broj: UP-I/21-3-40-438-2/21 od 06.10.2021. godine i konstatovano slijedeće:

Predmetna benzinska stanica izgrađena je na zemljištu označenom kao k.č. broj: 1750/2 K.O. Donji Lukavac, općina Gradačac.

U sklopu objekta su smješteni slijedeći sadržaji: kancelarija, trgovina, sanitarni čvor, nadstrešnica sa pumpnim agregatima, rezervoari za gorivo, parking, i manipulativni prostor.

Vodosnabdijevanje objekata izvest će se putem priključka na mjesni vodovodni sistem. Na lokaciji kompleksa nastaju oborinske onečišćene vode i sanitarno-fekalne otpadne vode.

Oborinske onečišćene vode će se prikupljati putem slivnika sa slivnom rešetkom u internu kanalizacionu mrežu i odvesti do tipskog separatora, te preko okna za monitoring ispuštati u povremeni potok.

Skladištenje nafte i naftnih derivata se vrši u podzemnim čeličnim dvoplašnim rezervoarima ukupnog kapaciteta 80 m³.

U ispitnom postupku je utvrđeno da je za predmetnu benzinsku pumpu ranije izdata vodna dozvola broj: UP-I/25-3-40-134-4/21 dana 12.04.2021. godine donesena od strane Agencije za vodno područje rijeke Save Sarajevo po zahtjevu i na ime fizičkog lica JAHIC MUHAREM iz Međide Gornje, općina Gradačac. Pošto za istu aktivnost i lokalitet na mogu na snazi biti dva rješenja, navedeno (prvobitno izdato) se danom pravosnažnosti ovog rješenja, stavlja van snage.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada i Odlukom o visini posebnih vodnih naknada.

Podnosilac zahtjeva je uplatio i posebne troškove shodno Zaključku ove Agencije, broj: UP-I/21-3-40-438-3/21 od 06.10.2021.

Na osnovu provedenog postupka konstatuje se da je podnosilac zahtjeva ispunio minimum uslova za izdavanje vodne dozvole za ispuštanje oborinskih onečišćenih otpadnih voda, te je riješeno kao u dispozitivu ovog Rješenja.


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Meho Čaušević, Bsc.ing.građ.

Po ovlaštenju
Rukovodilac sektora za izdavanje vodnih akata



Ališehović
Haris Ališehović, dipl.ing.građ.

Dostaviti:

- „UNIX“ d.o.o. Gradačac, Kerep bb, 76250 Gradačac
- Ø AVP Sava, ISV – Vodna knjiga
- Sektor 50
- Sektor 40, arhiva
- AVP Sava - Oglasna ploča